



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-01/2-05-18796/19
Sarajevo, 31.05.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

 **SKUPŠTINA KANTONA SARAJEVO**
Služba za skupštinske poslove

VLADA KANTONA SARAJEVO
Stručna služba Vlade

- OVDJE -

PREDMET: Odgovor na zastupničko pitanje, dostavlja se, -
VEZA: Vaš akt broj 01-05-8345-10/19 od 27.03.2019. godine

Na Šestoj radnoj sjednici Skupštine Kantona Sarajevo, održanoj dana, 26.03.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnica Admela Hodžić postavila je slijedeća zastupnička pitanja:

- Da li se od prošle sjednice pokrenulo pitanje rješavanja priliva sve većeg broja migranata u Kantonu Sarajevo, odnosno prihvatnog centra Ušivak u Hadžićima?
- Da li je do danas urađen strateški plan za najavljeni povećani priliv migranata u narednom periodu u Bosni i Hercegovini?
- Da li je poslat zahtjev svim relevantnim institucijama za ograničavanje broja migranata na jednoj općini radi bolje kontrole i veće sigurnosti?
- Da li je traženo da se broj migranata ravnomjerno rasporedi na sve općine, kantone i oba entiteta?



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



ODGOVOR

Pitanje 1.

Dajemo vam informaciju o broju lica smještenih u primarni prihvatni centar Ušivak:

- u januaru prosječno smješteno cca. 400 migranata
- u februaru prosječno smješteno cca. 540 migranata
- u martu prosječno smješteno cca. 520 migranata

Sa ovim smještajnim brojem prihvatni centar Ušivak je dosegao infrastrukturni kapacitet struje, snabdijevanja vodom, sanitacije i higijene.

Kao i svi privremeni prihvatni centri polivalentnog tipa, tako je i u Ušivku prisutan problem konzumiranja alkohola, droge, međusobne netrpeljivosti, grupa sklonih kriminalnom djelovanju, svađe oko hrane.

Svih sedam policijskih uprava Kantona Sarajevo imaju spremne operativne planove u slučaju eskalacije migrantske krize, a sam prihvatni centar Ušivak pokriven je 24 satnim nadzorom. Od 20.06.2019. u Ministarstvo unutrašnjih poslova Kantona Sarajevo biće primljeno 118 novih kadeta, što će olakšati operativno djelovanje policije u užoj gradskoj jezgri.

U prihvatnom centru Delijaš, čiji kapaciteti nisu dovoljno popunjeni, sigurnosna situacija je veoma dobra.

Otvoreno je i pitanje otvaranja još jednog prihvatnog centra na području Kantona Sarajevo, izvan grada, u slučaju da dođe do enormnog povećanja broja migranata koji borave na području Kantona Sarajevo.

Pitanje 2.

U vezi strateških planova koji se tiču migrantske krize, na nivou Bosne i Hercegovine isključivo je nadležno Ministarstvo sigurnosti Bosne i Hercegovine, a Entiteti, Kantoni i Općine dužni su svoje strateške planove uskladiti sa državnim strategijom. Do toga još nije došlo.

Dakle Ministarstvo za rad, socijalnu politiku, raseljena lica i izbjeglice nije nadležno za donošenje planova takve vrste.

Bez obzira na tu činjenicu u zgradi vlade Kantona Sarajevo, 25.03.2019. i 27.03.2019.godine održani su sastanci koje je organizovalo Ministarstvo za rad, socijalnu politiku, raseljena lica i izbjeglice Kantona Sarajevo u vezi sa migrantskom krizom, gdje su učešća uzeli svi domaći i strani akteri vezani za migrante i gdje su bili prisutni svi nivoi vlasti u Bosni i Hercegovini.

Na ovim sastancima jasno su precizirane aktivnosti koje pokrivaju različite aspekte migrantske krize, ali i u više navrata naglašeni su i identificirani problemi sa kojima se zajednica svakodnevno susreće, a tiče se migranata.

Kao rezultat ovih prethodnih aktivnosti održan je i treći sastanak, 20.05.2019.godine, u zgradi kantonalne vlade, gdje je učešće uzelo preko dvadeset aktera, vladinih i nevladinih, a koje su vezane za migrantsku problematiku.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Naredni sastanci će biti organizirani u vidu radionica, gdje će se pobliže rješavati pojedina pitanja vezana za migrantsku krizu (socijalna pitanja, azil, zdravstvena zaštita, zaštita maloljetnika, obrazovne aktivnosti i ostalo).

Pitanje 3.

Veoma je teško adekvatno rasporediti migrante po općinama, iz slijedećih razloga:

- nemoguće je utvrditi broj skvotova (improvizovani smještaj) po Sarajevu,
- veliki broj migranata smješten je u privatnom smještaju, bez ikakvih evidencija i kontrole,
- takođe postoji i jedan broj takozvanih ekonomskih migranata, veoma dobrog finansijskog stanja, koji se zadržavaju na području Bosne i Hercegovine znatno duže od 30 dana.

Pitanje 4.

Za ovo pitanje isključivo je nadležno Ministarstvo sigurnosti Bosne i Hercegovine.

S poštovanjem,

Dostaviti:

1. Naslovu (x2),
2. Evidencija Ministra,
3. A/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

